



Comunu de Bauladu
Comune di Bauladu

VERBALE DE DELIBERATZIONE DE SU CUSSIGIÙ COMUNALE

NÙMERU 30 DE SU 25/11/2019

OGETU:	RECONNOSCHIMENTU DE SA LEGITIMIDADE DE DÈPIDOS A FORAS DE SU BILANTZU
---------------	--

S'annu duamìgiadeghennoe, in die bintichimbe, de su mese de santandria, a is 7 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione ordinària e pùblica, de prima cunvocatzione, su Cussìgiu Comunale in is persones de is Sennores:

Davide Corriga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	P	Anna Matzutzi	A
Elia Zucca	P	Rita Soru	P
Carmine Consolo	P	Martina Atza	P

Cussigeris chi pigant parte: nr. 9

Cussigeris ausentes: nr. 1

Partètzipat a sa reunione sa Segretària, Dott.ssa Donatella Mancosu.

Su Sìndigu Dott. Davide Corriga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, deccrarat aberta sa reunione.

SU CUSSIGIÙ COMUNALE

Bidos is artt. 193 e 194 de su T.U. 18 de austu 2000, n. 267:

«Art. 193 - Amparu de is echilìbrios de bilantzu

1. Is entes locales respetant durante sa gestione e in is variatziones de bilantzu su parègiu finantziàriu e totus is echilìbrios istabilidos in bilantzu pro sa cobertura de is ispesas currentes e pro su finantziamentu de is investimentos, segundu is normas contàbiles contènnidas in su presente testo ùnicu, cun ispetzìficu riferimentu a is echilìbrios de cumpetèntzia e de cassa de is chi a s'art. 162, comma 6.

2. Cun perioditzidade istabilida dae su regulamentu de contabilidade de s'ente locale, e comente si siat a su mancu una bia intro de su 31 de triulas de cada annu, s'òrganu contziliare providit cun delibera a dare àutu de su permanentare de is echilìbrios generales de bilantzu o, in casu de intzertamentu negativu, a adotare, in manera cuntestuale:

a) is medidas netzessàrias a ripristinare su parègiu si in casu is datos de sa gestione finantziària fatzant previdere unu deficit, de gestione o de amministratzione, pro ischilìbriu de sa gestione de cumpetèntzia, de cassa overas de sa gestione de is residuos;

b) is provvedimenti pro su ripianu de is eventuales dèpidos de cales a s'art. 194;

c) is initziativas netzessàrias pro adeguare su fondu crèditu de esigibilidade dudosa, cantonadu in su resurtadu de amministratzione in casu de graves ischilìbrios chi pertocant sa gestione de is residuos.

Sa deliberatzione est allegada a su torracontu de s'esertzìtziu relativu.

3. A is fines de su comma 2, abarrende a cantu istabilidu dae s'art. 194, comma 2, podent èssere impreadas pro s'annu corrente e pro is duos imbenientes is possìbiles economias de ispesa e totus is intradas, a etzetzione de cussas bènnidas dae s'assuntzione de prèstidos e de cussas cun vìnculu ispetzìficu de destinatzione, e puru proventos chi derivant dae s'alienatzione de benes patrimoniales disponibles e dae àteras intradas in contu capitale in manera relativa a is ischilìbrios de parte capitale; Cando non si potzat providire cun is modalidades subra indicadas est possìbile impreare sa cuota lùbera de su resurtadu de amministratzione. Pro su ripristinu de is echilìbrios de bilantzu e in deroga a s'art. 1, comma 169, de sa lege 27 nadale 2006, n. 296, s'ente podet modificare is tarifas e is alicuotas relativas a is tributos de pròpia cumpetèntzia a intro de sa data de sa chi a su comma 2.

4. Sa mancada adozione, pro parte de s'ente, de is provvedimenti de riechilìbriu prevididos dae su presente articulu est posta in

pare a ogni efetu a sa mancada aprovatzione de su bilantzu de previsione de su chi a s'artìculu 141, cun aplicatzione de sa protzedura previdida dae su comma 2 de su matessi artìculu»;

«Art. 194 Reconoschimentu de sa legitimidade de dèpidos in foras de bilantzu:

1. Cun deliberatzione contziliare de sa chi a s'artìculu 193, comma 2, o cun diferente perioditzidade istabilida dae is regulamentos de contabilidades, is entes locales reconoschent sa legitimidade de is dèpidos in foras de bilantzu chi derivant dae:

a) sentèntzias esecutivas;

b) cobertura de dèficits de cunsòrtzios, de aziendas ispetziales e de istitutziones, in is lìmities de is òbligos chi derivant dae istatutu, cunventzione o autos costitutivos, bastet chi siat istadu respetadu s'òbrigu de parègiu de su bilantzu de su chi a s'artìculu 114 e su dèficit derivet de fatos de gestione;

c) ricapitalizatzione, in is lìmities e in is formas prevididas dae su còdighe tzivile o de normas ispetziales, de sotziedades de capitales costituidas pro s'esertzìtziu de servìtzios pùblicos locales;

d) protzeduras de ispropriamentu o de ocupatzione a s'apretu pro òperas de utilidade pùblica;

e) achirimentu de benes e servìtzios, in violatzione de is òbligos de is chi a is commas 1, 2 e 3 de s'artìculu 191, in is lìmities de is atzertados e dimustrados utilidade e arricchimentu pro s'ente, in s'àmbitu de s'acumprimentu de funtziones pùblicas e servìtzios de cumpetèntzia.

2. Pro su pagamentu s'ente podet providire fintzas tràmite unu pranu de rateizatzione, de sa durada de tres annos finantziàrios cumprèndidu cussu corrente, adduidu cun is creditores.

3. Pro su finantziamentu de is ispesas mentovadas, cando non si potzat providire cun documentos a norma de s'artìculu 193, comma 3, s'ente locale podet fàghere recursu a mùtuos pro is artìculos 202 e in fatu. In sa relativa deliberatzione contziliare est ispiegada a sa minuda s'impossibilitade de impreare àteras risursas»;

Bidu s'art. 41 comma 4, de sa lege 28 de nadale 2001, n. 448 chi testualmente narat:

«Art. 41 (Finàntzia de is entes territoriales)

... omissis ...

4. Pro su finantziamentu de ispesas de parte corrente, su comma 3 de s'artìculu 194 de su testu ùnicu mentovadu de su chi a su decretu legislativu de su 18 de austu 2000, n. 267, s'aplicat in manera limitada a sa cobertura de is dèpidos in foras de bilantzu madurados in manera anteriore a sa data de intrada in vigore de sa lege costitutzionale 18 de santugaine 2001, n. 3.»;

Bidu chi su responsàbile de su servìtziu tècnicu cun nòdida protocollu 5429 de su 15/10/2019 at fatu presente a s'amministratzione comunale de sa netzessidade de ativare is protzeduras pro su reconnoschimentu de unu dèpidu in foras de bilantzu, comente a in manera analitica inditadu in s'allegadu "A", de s'importu complessivu de €. 1.999,99;

Bidu chi su dèpidu in foras de bilantzu, comente a subra rilevadu, torrat, in su casu de sa norma mentovada in subra;

Cunsideradu chi in sa matessi addòbiu contziliare in sa cale benit reconnotu su dèpidu in foras de bilantzu mentovadu in su presente àutu benit posta a suta de aprovatzione fintzas una variatzione de bilantzu in sa cale benit cuntempladu su finantziamentu de su mentovadu dèpidu cun usu de economias de ispesa rilevadas in su bilantzu de su currente annu e finantziadas cun avantzu de amministratzione ordinàriu;

Bidu su riferimentu de s'ufìtziu de ragioneria;

Bidu il D.Lgs. 18 de austu 2000, n. 267, chi narat: "Testu ùnicu de is leges in s'ordinamentu de is entes locales";

Bidu chi pro sa proposta de custa deliberatzione su Revisore de is Contos at espressadu pàrrere positivu;

Achiridos in manera preliminaris is pàrreres in favore de sa regularidade tècnica e contàbile in sa proposta de deliberatzione, espressados de su Responsàbile de s'Ufìtziu Tècnicu e de sa Responsàbile de s'Ufìtziu Finantziàriu pro s'art. 49, comma 1, de su D.lgs. 267/2000 e imbenientes cambiamentos e integrazziones;

DELÌBERAT

- 1) De pigare àutu chi in data de su 15/10/2019 est istada assegurada s'esistèntzia de dèpidos in foras de bilantzu in s'importu complessivu de €. 1.999,99 comente elencados in manera analitica in s'allegadu prospetu A) chi faghet parte integrante e sustantziale de sa presente deliberatzione, comprèndidu in is casos prevididos dae s'art. 194, comma 1, de su T.U. 18 de austu 2000, n. 267;
- 2) de reconnoschere, in manera cunsighente, sa legitimidade de su dèpidu in foras de bilantzu comente identificadu a su pretzedente puntu 1);

3) de rinviare a imbeniente e separada deliberatzione, de s'adotare in is lîmites de is chi a su cumbinadu dispostu de is artt. 193, commas 2 e 3, e 194, commas 2 e 3, de su T.U. 18 de austu 2000, n. 267, su provedimentu de ripianu de is dèpidos de is chi subra.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Su verbale benit sutascritu gasi

Su Sìndigu
F.du Dott. Davide Corrìga

Sa Segretària Comunale
F.du Dott.ssa Donatella Mancosu

ATESTADU DE PUBLICATZIONE

S'atestat chi còpia de sa deliberatzione est publicada in su situ istituzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 25/11/2019

Sa Segretària Comunale
F.du Dott.ssa Donatella Mancosu

Còpia cunforme a s'originale pro impreu amministrativu

Su 25/11/2019

Su Missu Notificatore
F.du Dott. Paolo Carta